

新疆省輿地圖說
上卷

地 610
6399
1

地610
63

新疆省輿地圖說

新疆省輿地圖說上卷目次

新疆省全圖說

迪化府圖說

迪化縣圖說

奇台縣圖說

阜康縣圖說

昌吉縣圖說

綏來縣圖說

伊犁府圖說

綏定縣圖說

甯遠縣圖說

鎮西廳圖說

庫爾喀喇烏蘇廳圖說

精河廳圖說

塔城廳圖說

哈密廳圖說

吐魯番廳圖說



新疆省全圖說

甘肅省之西北為新疆省新疆巡撫治迪化府
布政司一同治焉統府二直隸廳十一直隸州
四迪化府之東鎮西廳其東南哈密廳吐魯番
廳其西伊犁府伊犁府之東北庫爾喀喇烏蘇
廳精河廳精河廳之北塔城廳吐魯番廳之西
南喀喇沙爾廳喀喇沙爾廳之西庫車廳溫宿
州烏什廳烏什廳之西南瑪喇巴什廳瑪喇巴
什廳之西疏勒州疏勒州之東南英吉沙爾廳
莎車州莎車州之東南和闐州和闐州庫車廳
迤東喀喇沙爾廳吐魯番迤南為羅布淖爾羅



布淖爾即蒲昌海葱嶺以東天山以南諸水皆
匯焉其上源曰葱嶺南河葱嶺北河其希勒孔
蓋河和闐河渭干河朱勒都斯河葱嶺南河出
葉城縣西南山西北流歧為二支東支東北流
曰聽雜布河經縣西會南一小水經縣北曰喀
喇烏蘇河折北入瑪喇巴什廳境西支西北流
入莎車州境折東北喀楚特水自州西南北流
折東來會曰澤普勒善河經州南而東入瑪喇
巴什廳境與東支會一支渠東北出曰玉河支
河與烏蘭烏蘇河交通正渠又東北為葱嶺南

河與葱嶺北河正渠合葱嶺北河出疏附縣邊
外入境東北流曰和色爾河迤北依爾克什塔
木河納壯一水來會曰德爾必楚克河折東曰
烏蘭烏蘇河又東經縣南又東經疏勒州北圖
舒克塔什河伊蘭烏瓦斯河自北合注之入疏
勒州境又東北入瑪喇巴什廳境經廳北而東
南與葱嶺南河支渠通又東北曰葱嶺北河會
葱嶺南河正渠曰葉爾羌河東北流其希勒孔
蓋河二源一出疏附縣東北山一出烏什廳西
二水合東流納玉簪河又東經廳西一支渠東

出經廳南入溫宿州境正渠經廳北而東南曰托什罕河入溫宿州境會支渠水曰阿克蘇河一支南出曰渾巴什河正渠又東瑚瑪納克河自州西北東南流會北來一水併注之經州南曰楚克達爾河又東南與葉爾羌河會又東與和闐河會和闐河二源曰玉隴哈什河曰哈拉哈什河玉隴哈什河出和闐州南經州東而北為玉隴哈什河哈拉哈什河二源一出葉城縣南山東流納一小水入和闐州境一出州南山東北流來會經州西而北會玉隴哈什河又北

為和闐河入瑪喇巴什廳境與葉爾羌河楚克達爾河并東之水會為塔里木河經庫車廳南而東納渭干河支流又東入羅布淖爾境匯為小羅布淖爾歧為二復合又東與渭干南河會渭干河上源為木札拉提河出溫宿州東北木素山西流折東南入拜城縣境為銅廠河折東經縣南會和色爾河入庫車廳境為渭干河經廳南一支西南出與塔里木河交通正渠歧為二支南為渭干南河北為渭干北河渭南河東入羅布淖爾境折稍東北又東南與塔里木河

會一支渠東北出與孔雀河交通正渠又東南與孔雀河正渠會渭干河稍東北一支渠東北出瀦於殼達爾薩它洛可海子正渠經喀喇沙爾廳境南羅布淖爾境北為英氣蓋河又東匯為冲浣海子又東與共琦河會共琦河上源為朱勒都斯河出喀喇沙爾廳北西流折東而南會北一水經廳西為開都河匯為博斯騰淖爾清水河出廳東北亦匯焉又自淖爾西北出折西南而東為共琦河又曰孔雀河會英氣蓋河入羅布淖爾境會塔里木河支渠又東南會塔

里木河正渠又南折東併瀦於羅布淖爾卡墻河出于闐縣東東北流折東入羅布淖爾境為切鏘河又東北亦瀦焉雅瑪雅爾河出疏附縣西南邊外入境東北流折東南會讓可海子水及海子迤南二水東流折北而東入疏勒州境經州南又東經英吉沙爾廳東北會特爾木奇克河又東經莎車州北入瑪喇巴什廳境入於沙密爾特彥河在庫車廳東瀦於沙哈里克草湖碩洛浣在羅布淖爾東北克里雅河二源出于闐縣南合東北流經縣東而北入於沙伊克

池在其南必柳察哈泊噶順泊在縣東南蘇格
得水在縣東噶斯池在羅布淖爾南烏魯木齊
河二源一出吐魯番廳西一出喀喇沙爾廳東
北入迪化縣境合北流經縣西而北會昌吉縣
之頭屯河瀦於白家海子木壘河出吐魯番廳
境北流經奇台縣東境歧為二支入於沙巴爾
庫勒淖爾即蒲類海在鎮西廳西北哈密河出
哈密廳東北西南流經廳東而南瀦為大泉吐
魯番河出吐魯番廳東北西南流經廳東而南
曰葡萄溝托克遜河出迪化縣境南流會西北

來一水瀦為覺洛浣洛克倫河出喀喇沙爾廳
境北流經昌吉縣西折西北會呼圖壁河入綏
來縣境瀦為阿雅爾淖爾瑪納斯河出綏來縣
西南北流經縣西折西北流亦瀦焉伊犁河三
源曰特克斯河曰崆吉斯河曰喀什河特克斯
河出甯遠縣邊外入境東北流經縣南而東崆
吉斯河自喀喇沙爾廳境西流來會又西喀什
河自縣東來會經縣南為伊犁河入綏定縣境
經縣南霍爾果斯河自縣西北來注之流出邊
喀喇塔拉額西柯淖爾在精河廳北博羅塔拉

河自廳西來匯精河自廳南來匯庫森木什河
自廳西來匯庫爾喀喇烏蘇河固爾圖河自庫
爾喀喇烏蘇廳合東來瀦馬額救爾河自塔城
廳東西流經廳南會察罕河流出邊額爾齊斯
河出阿爾泰山南流折西為克林河又西會布
爾崇河哈巴河及阿拉克別克河流出邊赫薩
爾巴什泊在塔城廳東察罕通東河納木河蘇
爾圖河在塔城廳東南南流入於沙博克達山
為天山最高峯在阜康縣南木素山罕騰格里
山為天山最高峯在溫宿州東北屈莽山在羅

布淖爾南康山烏魯阿特山在疏附縣西格登
山在甯遠縣南阿爾泰山在塔城廳東北省東
界喀爾喀札薩克圖汗部及內蒙古東南界甘
肅及青海南界西藏西南界

待查復添註

等部西及西北界俄邊東北界科布多

按原迪化直隸州領奇台阜康昌吉綏來四縣
與鎮西哈密吐魯番三廳均隸甘肅省其西伊
犁將軍本屬城九所屬城十二天山以北惠遠
城惠甯城熙春城綏定城廣仁城瞻德城拱宸
城塔勒奇城甯遠城庫爾喀喇烏蘇城塔爾巴

哈台城天山以南回疆喀喇沙爾城庫車城賽里木城拜城阿克蘇城烏什城和闐城葉爾羌城喀什噶爾城英吉沙爾城光緒九年奉建新疆行省先即喀喇沙爾城設喀喇沙爾直隸廳庫車城設庫車直隸廳烏什城設烏什直隸廳阿克蘇城設溫宿直隸州拜城設拜城縣隸溫宿州歸阿克蘇道轄即英吉沙爾城設英吉沙爾直隸廳瑪喇巴什城設瑪喇巴什直隸廳喀什噶爾漢城設疏勒直隸州回城設疏附縣隸疏勒州葉爾羌城設莎車直隸州哈里克城

設葉城縣隸莎車州和闐城設和闐直隸州克里雅城設于闐縣隸和闐州歸喀什噶爾道轄十二年二月奉准升迪化州為迪化府增迪化縣附郭為省會領迪化奇台阜康昌吉綏來五縣與改隸之鎮西哈密吐魯番三廳及是年奉設之庫爾喀喇烏蘇直隸廳歸鎮迪道轄十四年正月奉准於綏定城設伊犁府置綏定縣附郭於寧遠城設寧遠縣於拱宸城設督捕通判隸伊犁府於精河城設精河直隸廳塔爾巴哈台城設塔城直隸廳歸伊塔道轄

迪化府圖說

迪化府新疆省治在

京師西八千八百四十里領縣五治迪化東北奇
台阜康西北昌吉綏來白家海子在府治北烏
魯木齊河二源東曰庫爾齊勒河自吐魯番廳
西入境西曰阿勒塔濟河自喀喇沙爾廳東北
入境北流復合經府治西為烏魯木齊河又北
為老龍河又北頭屯河自喀喇沙爾廳東北入
昌吉縣境東北流東接迪化縣界又北入迪化
縣境會老龍河瀦於海子柳樹河出奇台縣東
境西北流經縣北入阜康縣境又西經濟木薩

城北折東南入於沙奇台縣東南葛根河其東龍口渠又東木壘河上白楊河下白楊河俱出縣東南山北流入於沙其西南大坂河柏楊河俱出縣南山其東三工河土墩子河白楊河黃山河雙岔河小溪溝俱出縣東南山北流入於沙阿雅爾淖爾在綏來縣西北洛克倫河出喀喇沙爾廳北入昌吉縣境東北流一支渠北出為紅水河又東折北經縣西又西北呼圖壁河亦自喀喇沙爾廳入境東北流歧為二支西曰西

河復歧為二入於沙東曰東河稍西北會洛克倫河入綏來縣境瀦於淖爾瑪納斯河自喀喇沙爾廳入綏來縣境東北流清水河自東南來注之又北一支渠東北出經縣西而北一支渠西北出為大泉溝匯為磨菰湖又自湖北出入於沙正渠東北流亦瀦焉塔西河出縣東南山北流縣西甯家河金溝河達連湖出縣西南山亦北流均入於沙雅瑪拉克山在迪化縣西博克達山在阜康縣南拜達克山在奇台縣東北格柵圖山在昌吉縣西南奇林圖魯山在綏來

縣西南府東界鎮西廳東南界吐魯番廳西南
界喀喇沙爾廳西界庫爾喀喇烏蘇廳西北界
塔城廳北界科布多 府原甘肅迪化直隸州
治光緒十二年建新疆行省升迪化州為迪化
府為省會

迪化縣圖說

迪化縣迪化府治東界阜康縣東南界吐魯番
廳南界喀喇沙爾廳西界昌吉縣北界科布多
白家海子即古爾班托羅海在縣北境烏魯木
齊河二源東曰庫爾齊勒河西曰阿勒塔濟河
阿勒塔濟河出喀喇沙爾廳東北入境北流大
西溝白楊溝水自西南來注之又北一支渠西
北出歧為二東曰永豐渠西曰公盛渠又北一
支北出曰太平渠歧為二曰長盛渠曰蒼皇溝
入於沙其正渠東北流與庫爾齊勒河會庫爾
齊勒河出吐魯番廳西入境西北流水西溝板

房溝自西南來會西北出一支渠曰和陽渠正渠又北會阿勒塔濟河經縣西而北為烏魯木齊河水磨溝水自縣東會八道灣水北流注之又北吉三泉自西北來會三箇泉自東北來會又北一支渠西北出曰大草湖一支渠東北出為梧桐窩莊水又北為老龍河一支渠西北出為沙山子水又西北頭屯河自昌吉縣東北入境北流一支渠西北出為黃風窩子水又東北會老龍河西北出一支渠曰新渠又北瀦於白家海子白楊河出縣東山西南流折東南入吐

魯番廳境大銅溝出縣東南山會方家溝白家清水東南流入吐魯番廳境小東溝大東溝羊圈溝廟兒溝在縣東南小白楊河蘆草溝在縣東東梧桐下梧桐水在縣東北均北流入於沙燈龍口沙河子在縣西八段湖馬厰湖在縣西北均自昌吉縣境之頭屯河分支入境東北流入於沙鄂門泊即昂古爾圖淖爾及達布遜泊均在縣東南雅瑪拉克山在縣西 縣原甘肅迪化州治光緒十二年建行省升迪化州為迪化府置縣附郭 縣境迤東舊卡倫一座曰大

西溝卡倫東南五座曰后溝卡倫五個山卡倫
烏什城卡倫柴窩鋪又名板窩鋪卡倫哈必爾
罕布拉克又名阿爾哈特克卡倫西南一座曰
昌吉卡倫西一座曰紅山嘴卡倫阿爾哈特克
板窩鋪紅山嘴及南水西溝卡址已廢

奇台縣圖說

奇台縣在府治東北至省城四百六十里東界鎮西廳南界吐魯番廳西界阜康縣北界科布多水磨河出縣南東北流一支渠西北出正渠經縣東而北西出一支渠曰西灣西北出一支渠曰北灣歧為二曰下八戶水曰小柳樹河入於沙大柳樹河二源均出縣東北合西北流納南來一小水又西北入阜康縣境葛根河出縣南山北流歧為二東曰老葛根河西曰新葛根河其東蘆草溝即馬家渠出縣南山北流又東大西溝大南溝大東溝三水均自吐魯番廳東